

Ս. Ս. Հակոբյան

ԱՄԵՐԻԿԱՆ ՄՈՆՈՊՈԼԻԱՆԵՐԻ ՏՆՏԵՍԱԿԱՆ ԳՈՐԾՈՒՆԵՈՒԹՅԱՆ
ՊԱՏՄՈՒԹՅՈՒՆՆԵՐ ԱՐԵՎՄՏՅԱՆ ՀԱՅԱՍՏԱՆՈՒՄ


Առաջին համաշխարհային պատերազմի տարիներին ամերիկյան մոնոպոլիստները ակտիվ գործունեություն ծավալեցին Ռուսաստանի էկոնոմիկայում կարևորագույն դիրքեր գրավելու ուղղությամբ: Ցարիզմը և ժամանակավոր կառավարությունը այդ երևույթը հանդուրժում էին՝ հուսալով, որ այն կօգնի պայքարելու Երկրում աճող պրոլետարական ռևոլյուցիայի դեմ, կնպաստի իմպերիալիստական թալանչիական պատերազմը շարունակելուն, ու բացի դրանից, ամերիկյան կապիտալի ներդրումները պետք է ծածկեին Ռուսաստանի՝ ԱՄՆ-ի հետ ունեցած արտաքին առևտրի հաշվեկշռում ամերիկյան ռազմական մատակարարումների հետևանքով առաջացած դեֆիցիտը¹: Ցարիզմը և ժամանակավոր կառավարությունը վճարման պարտավորությունները կատարելու միակ միջոցը տեսնում էին ամերիկյան կապիտալի դեպի Ռուսաստան արտահանելու թույլատրման մեջ, ինչպես ուղղակի ներդրումների (արդյունաբերական կապիտալի արտահանում), այնպես էլ փոխառությունների ու վարկերի (վարկային կապիտալի արտահանում) ձևով: Ամերիկացիները ձգտում էին կապիտալի արտահանման այդ երկու ձևերը իրականացնել ոչ միայն բուն Ռուսաստանի, այլև պատերազմի ընթացքում ռուսական զորքերի կողմից գրավված Արևմտյան Հայաստանի մարզերի նկատմամբ: Վերջիններս նկատմամբ ամերիկյան մոնոպոլիստները գործում էին ոչ թե անմիջականորեն, այլ գլխավորապես իրենց դրածո կազմակերպության միջոցով, որը հայտնի էր Թիֆլիսի ամերիկյան կոմիտե անվամբ: Այդ կոմիտեի ղեկավար Վիլլովեյ Սմիթը 1917 թ. ապրիլի 17-ին ԱՄՆ-ի պետական քարտուղար Ռոբերտ Հանսինգին գրում էր. «Առժամեայ կառավարութիւնը ամէն դիրութիւն կրնժայէ եւ կը քաջալերէ մեր գործը»:

Եթե առաջին համաշխարհային պատերազմի տարիներին ամերիկյան կապիտալի դեպի Ռուսաստան կատարած էքսպանսիայի հարցը իր լուսարանումը գտել է մեր պատմագիտական գրականության մեջ², ապա այդ կապիտալի Արևմտյան Հայաստան ներթափանցելու հարցը դեռևս մնում է սովե-

¹ Այդ դեֆիցիտը, միայն առաջին ռազմական երեք տարում (1914—1916) կազմում էր ըստ Summary of foreign commerce the United States տվյալների 641,5 միլիոն դոլար:

² «Կոչնակ», Նյու-Յորք, 5 մայիսի, 1917, № 18, էջ 541:

³ См. О. П. Оль, Иностранные капиталы в России. Пгд, 1922, стр. 119—120, 236—237, 276—277; Л. Эвентов, Русско-американские экономические взаимоотношения в прошлом и их перспективы, «Плановое хозяйство», 1925, № 7, стр. 215—220, А. Е. Кунина, Провал американских планов мирового господства в 1917—1920, Москва, 1954, стр. 13—37, Г. Андреев, Экспорт американского капитала, М., 1957, стр. 59—75 և այլն:



տական պատմաբանների տեսադաշտից դուրս: Միակ հետազոտությունը, որը նվիրված է այդ շրջանում Հայաստանում ամերիկյան ներկայացուցիչների գործունեությունը մերկացնելուն, դա Ա. Ն. Մնացականյանի «Ամերիկյան ագրեսորների և նրանց գործակալների դեմ հայ ժողովրդի մղած պայքարի պատմությունից» (Ե. 1953) գիրքն է: Այդ գրքի մեջ հեղինակը իր ուշադրությունը հիմնականում կենտրոնացնում է ամերիկյան ներկայացուցիչների գործունեության երկու բնագավառների վրա՝ ռազմական լրտեսության և հայերի շրջանում ամերիկյան իմպերիալիստների օգտին շարանենգ քաղաքական պրոպագանդան մերկացնելու վրա: Ա. Մնացականյանը իր աշխատության մեջ նաև նշում է, որ ամերիկյան գործակալները Հայաստանում, ինչպես և ամբողջ Կովկասում, զբաղվում էին տնտեսական հետախուզությամբ:

Ամերիկացիների այդ գործունեությունը ժամանակին աննկատ չի մնացել բոլշևիկյան պարտիայի կողմից: Մեր պարտիայի ականավոր գործիչները, պարտիական մամուլի պարբերական օրգանները մերկացնում ու անարգանքի սյունին էին գամում ամերիկյան ագրեսորներին:

Վ. Ի. Լենինը բազմիցս նշել է, որ ամերիկյան միլիարդատերերը բոլորից շատ հարստացան պատերազմում, «նրանք իրենց հարկատուներ դարձրին բոլոր, նույնիսկ ամենահարուստ երկրները: Նրանք կողոպտեցին հարյուրավոր միլիարդ դոլլարներ: Եվ ամեն մի դոլլարի վրա երևում են կեղտի հետքեր...»⁴:

Բոլշևիկյան պարտիայի ականավոր ներկայացուցիչ Ալ. Մյասնիկյանը գրել է, որ ամերիկական իմպերիալիստները Հայաստանում հետապնդել են իրենց իմպերիալիստական շահերը. նրանք ամենևին էլ չեն մտածել տառապող հայ ժողովրդին նվազագույն օգնություն ցույց տալու կամ ցավակցելու մասին: «Փաստը մնում է փաստ, որ բացի թշնամանքից, ամերիկական պաշտոնական յանկիները ոչինչ չտվին հայ ժողովրդին»⁵:

«Ձգույշ, խաբում են ձեզ, ընկերներ» վերնադիրը կրող հողվածում բոլշևիկյան «Կարմիր դրոշակ» թերթը գրել է. «Անուո-ամերիկական իմպերիալիստները ոչ մի կարիք չունեին և չունեն առանձինն մտածելու, հոգս քաշելու Վանի, Բիթլիսի, Մուշի, Տիգրանակերտի, Երևանի և այլ տեղերի հայերին, քրդերին, թուրքերին (աշխատավոր մասսաներին) կերակրելու, հագցնելու, բժշկելու մասին: Ոչ, այդ նրանց ըսկի էլ չի հետաքրքրում: Եվ եթե պատահի, որ հետաքրքրություն ցույց տան, ապա պիտի իմանալ, որ դրա տակ ծածկված են իրանց իսկ դասակարգային՝ տնտեսական թե քաղաքական այս կամ այն շահը, օգուտը»: Ամերիկյան իմպերիալիստները եկել են «...Հայաստանի հայ, քուրդ, եզդի, ասորի, հույն աշխատավոր մասսաներին վերջնականորեն կործանելու և նրանց ավերակների վրա կանգնելու բուրժուազիայի շահերի պաշտպան...»⁶:

«Բանվորի կռիվ» թերթը ԱՄՆ-ը անվանել է միլիարդատերերի և իմպերիալիստների տիպիկ հայրենիք⁷:

⁴ Վ. Ի. Լենին, Երկեր, հրատ. 4, հատոր 28, էջ 59:

⁵ Ա. Ն. Մնացականյան, Արևմտահայ Մյասնիկյան, Ե., 1955, էջ 247:

⁶ «Կարմիր դրոշակ», Մոսկվա, 1 հունիսի, 1919, № 3, էջ 2—3:

⁷ «Բանվորի կռիվ», Թիֆլիս, 1918, № 7, էջ 3:

«Կարմիր բանվոր» թերթը գրում էր, որ Ամերիկայի, Ֆրանսիայի և Անգլիայի հաստափոր կապիտալիստների կառավարությունների նպատակը ամենևին էլ հայ ժողովրդին օգնելը չէ, այլ նրա ծանր դրությանից օգտվելը: Նրանց ձեռնտու է, մատնանշում էր թերթը, երբ ժողովուրդները տառապում են, այնքան հեշտ է շահագործել նրանց: «Մինչև հիմի,— հանրամատչելի ձևով բացատրում էր թերթը,— հայ գյուղացի ժողովուրդը, օրինակի համար ասենք՝ ոչխար էր, իսկ Տաճկաստանի սուլթանների ու փաշաների տերությունը մի կատաղած գալլ: Այս գալլը բռնել էր այս ոչխարին, կրծոտում, ուտում էր: Եվ այս ոչխարը միանգամից կուլ պիտի գնար գալլին և արդեն մասամբ կուլ գնաց, բայց անգլիացի և ամերիկացի սարդերը, որ ավելի հեռատես ու խորամանկ են, մտածում են թե՛ ավսր այս ոչխարը ինչի գալլի փորին կուլ գնա, ափսոս է. նա կը ծնի, գառներ կունենա, կաթն էլ կը կրենք, կը խմենք, պանիր կը շինենք—, յուղ կը շինենք»⁸:

Արևմտյան Հայաստանում ամերիկյան գործակալների գործունեությունը քննարկելիս մենք ելնում ենք այս միակ ճիշտ բնութագրականներից:

Թուրքական կառավարող շրջաններն առաջին համաշխարհային պատերազմի տարիներին, փրենց դաշնակից գերմանական իմպերիալիստների հրահրմամբ ոչնչացրին մոտ մեկ միլիոն հայ և այդքան էլ աքսորեցին Միջագետքի անապատները: Թուրքական կառավարողները իրականացնում էին իրենց վաղեմի իդձերը. Հայկական գավառներից՝ Էրզրումի, Սիվազի, Բիթլիսի, Վանի, Դիարբեքի, Խարբեքի միլիայեթներից հայ բնակչությանը արտաքսելով, այդ գավառները դարձնում էին զուտ մահմեդական բնակչություն ունեցող վայրեր:

Մյուս կողմից, սակայն, պատերազմի ընթացքում ռուսական զորքը քայլ առ քայլ զբաղում էր Արևմտյան Հայաստանի տերիտորիան և արդեն 1917 թվականի վերջին Արևմտյան Հայաստանի դգալի մասը՝ Էրզրում, Մուշ, Բիթլիս, Վան և այլ քաղաքների հետ միասին, մաքրված էր թուրքական զորքերից: Այդ տերիտորիայում, ինչպես նաև Կովկասում գտնվում էին 300 հազար գաղթական հայեր: Ռուսական զորքերի կողմից գրաված մարզերի վրա աչք էին դրել ոչ միայն ցարական սատրապները, այլև անգլո-ֆրանսիական ու ամերիկյան իմպերիալիստները:

Ամերիկյան իմպերիալիստները Արևմտյան Հայաստանով հետաքրքրվում էին առաջին համաշխարհային պատերազմից դեռևս շատ առաջ: Նրանց գործակալությունը, ի դեմս ամերիկյան միսիոներական կազմակերպությունների, արևմտահայերի շրջանում գործում էր սկսած 1835 թվականից: Միսիոներական կազմակերպությունները կոչված էին նախապատրաստելու ԱՄՆ-ի տնտեսական ու քաղաքական ներթափանցումը Արևմտյան Հայաստան:

Միսիոներական այդ կազմակերպությունները գտնվում էին ԱՄՆ-ի կառավարության հովանավորության ներքո, որը նյութական օժանդակություն էր ցույց տալիս նրանց և միաժամանակ ձգտում էր ձեռք բերել ամեն տեսակի արտոնություններ այդ կազմակերպությունների համար: Դրանց անմիջական ղեկավարությունը իրականացվում էր «օտարերկրյա միսիոներական լիազորների ամերիկյան բյուրոյի» կողմից (կրճատ՝ «Բորդ»), որի կենտրոնը

⁸ «Կարմիր բանվոր», Աստրախան, 18 մայիսի, 1919, № 7, էջ 11

գտնվում էր Բոստոնում: ԱՄՆ-ի կառավարությունը ամերիկյան միսիոներներին օգտագործում էր արևմտահայերի ազգային-ազատագրական աճող շարժումը ճնշելու համար: Միսիոներները, ջանում էին հայերի մեջ թշնամական զգացմունքներ սերմանել Ռուսաստանի նկատմամբ⁹: Իր իսկական դեմքը թաքցրելու համար միսիոներական գործունեությունը սովորաբար ընդունում էր քողարկման նուրբ, կատարելագործված ձևեր՝ (ղարդոցների, գրադարանների, մանկատների, հիվանդանոցների և այլնի կազմակերպում): Չնայած այդ, կարծես թե, ծախսեր պահանջող միջոցառումներին, միսիոներականությունը, սակայն, եկամտի աղբյուր էր, որովհետև միսիոներներին հետևում էին վաճառականները կամ թե հենց իրենք միսիոներները զբաղվում էին առևտրով և հիմնում զանազան բնույթի եկամտաբեր ձեռնարկություններ:

Այսպես օրինակ, Խարբերդում ամերիկացիները ստեղծել էին արհեստանոցներ, որտեղ շահագործվում էր հազարավոր հայ որբերի աշխատանքը: Այդ նույն քաղաքում ամերիկացիները բացել էին արևելյան գորգերի գործարան, որի արտադրանքը, շնորհիվ հայ գորգագործ կանանց հմուտ ձեռքերի, պարսկականից ավելի բարձր էր գնահատվում, և մեծ եկամուտ բերում գործարանի տերերին: Ջարմանալի չէ, որ 1910 թվականին արդեն ամերիկացիները ձգտում էին մեկի փոխարեն ստեղծել ութը նման գործարան: Խարբերդում էր գտնվում նաև ամերիկացի Վ. Տ. Ֆուլչի կողմից վարկավորվող կահույքի գործարանը¹⁰: Միսիոներ Մարտենը Հաջնում (այժմ Սաիր-Բեյլի) կառուցեց կահույքի և գորգերի երկու մեծ գործարան: Այդ գործարանների արտադրանքը իրացվում էր Եվրոպայում ու Ամերիկայում, և նույնիսկ անգլիական թագուհի Վիկտորիան այդ ապրանքների զնորդներից էր¹¹: Վաճառում ամերիկյան միսիոներները հիմնադրել էին նուրբ ժանյակների արհեստանոց, որում աշխատում էին 80 բանվորուհիներ: Այդ ժանյակները վաճառքի էին ուղարկվում Ամերիկա, Անգլիա և Գերմանիա:

Վաճառում միսիոներներն ունեին նաև գորդագործական արհեստանոց¹²:

Միսիոներների այդպիսի գործունեության շնորհիվ նրանց բյուջեի եկամուտները միշտ գերազանցում էին նրա ծախսերը:

Միսիոներները նպաստում էին արևմտահայկական շուկան ամերիկյան ապրանքների կողմից նվաճելու գործին: Նախապատերազմյան տարիներին միայն Վանի վիլայեթում երևացին ամերիկյան հետևյալ ապրանքները՝ ձուլածո արծաթ, քիմիական նյութեր, ղեղագործական ապրանքներ, կրկնակողիկներ: Իսկ Վանի վիլայեթից ԱՄՆ էին արտահանվում արծաթյա իրեր, մորթեղեն¹³ և այլն:

Վաճառում ուսական փոխ-հյուպատոս Ուֆերերը 1910 թվականի հուլիսի 27-ին Կոստանդնուպոլսի դեսպան Չարիկովին գեկուցում էր. «Միսիոներները համառ կերպով աշխատում են տեղական շուկայի ուսումնասիրման ուղղությամբ... Եթե նախկինում վաճառում էր կարելի հանդիպել ամերիկյան ֆաբրիկատների, ապա այժմ ղեղագործական ապրանքների մեծ մասը այս-

⁹ Տե՛ս ՎրացՍՍՌ, ԿԳՊԱ, ֆ. 71, ցուցակ 2, դործ 76, թերթ 70:

¹⁰ Տե՛ս Մ. Ի. Ժիգմենկան, Խարբերդ և իր դավալաները, Ֆրեդնո, էջ 376—377:

¹¹ Տե՛ս Բ. Պ. Պոդոսեան, Հաճընի ընդհանուր պատմությունը, Լոս Անճելես, 1942, էջ 393:

¹² Տե՛ս ՎրացՍՍՌ, ԿԳՊԱ, ֆ. 71, ց. 2, դ. 56, թթ. 174—175:

¹³ Նույն տեղում, ֆ. 521, ց. 2, դ. 402, թթ. 76—77, 267, 269:

տեղ է գալիս Ամերիկայից... Ամերիկացիները համառորեն ձգտում են համոզել տեղական բնակչությանը Ամերիկայից երկրագործական մեքենաներ գուրս գրելու «համար»¹⁴։ 1911 թվականի մայիսի 4-ին Ֆուլթոն Օլֆերը զեկուցում էր. «Շնորհիվ նրանց (այսինքն միսիոներներին — Ս. Հ.) ջանքերի, Անատոլիայի թուրքական շուկաներում ավելի ու ավելի շատ են երևում ամերիկյան ֆաբրիկատներ»¹⁵։

Ամերիկացիները լուրջ հետաքրքրություն էին ցուցաբերում Վանի և Էրզրումի վիլայեթների նավթահանքերի նկատմամբ¹⁶։ 1911 թ. սեպտեմբերի 5-ին Օլֆերը Չարիկովին գրում էր. «Իմ ուղևորության ժամանակ ես իմացա, որ երկու ամերիկացիներ ...մի քանի օր բնակվել են Կորցոտ վայոզում, և հետազոտել են այնտեղի նավթը։ Նրանք դյուղացիներին ասել են, որ իրենք Ֆուսդ-փաշայից վերագնել են նավթը շահագործելու իրավունքը և որ եկող զարնանից կսկսեն նավթ արդյունահանել Կորցոտի շրջակայքում»¹⁷։

Արևմտյան Հայաստանը տնտեսապես ստրկացնելու ամերիկյան պլաններում պակաս դեր չպետք է խաղար Չեստերի կոնցեսիան։ 1908 թվականից սկսած ամերիկյան ծովակալ Կուրթի Միտչել Չեստերը բանակցություններ էր վարում թուրքական կառավարության հետ՝ Օսմանյան կայսրության արևելյան մասում երկաթուղու ընդարձակ ցանց կառուցելու համար կոնցեսիա ստանալու վերաբերյալ։ Կառուցվելիք երկաթուղու կարևորագույն ճյուղերը երկու ուղղությամբ (Սվազ-Էրզրնջան-Էրզրում-Բայազետ և Սվազ-Խարբերդ-Դիարբեքիր-Բիթլիս-Վան) պետք է տնցնեին Արևմտյան Հայաստանով¹⁸։ Չեստերը ձգտում էր առափնյա նավարկության իրավունք ստանալ Վանա լճում։ Կոստանդնուպոլսի թեթերը հաղորդում էին, որ Օսմանյան կառավարությունը բանակցություններ է վարում ամերիկյան սինդիկատի ներկայացուցչի հետ՝ Վանից դեպի Սարայ տանող երկաթուղի կառուցելու հարցի շուրջը¹⁹։ Չեստերի ընկերության ապագա երկաթուղիների անցման վայրերի հետ ծանոթանալու նպատակով 1910 թվականի օգոստոսի սկզբին Խարբերդ և Դիարբեքիր եկան ինժեներների խմբեր, ամերիկյան ընկերության ներկայացուցիչ Գուդի գլխավորությամբ։ Դիարբեքիրից ամբողջ խումբը Բեշիրի վրայով մեկնեց Բիթլիս²⁰։

Առաջին համաշխարհային պատերազմից առաջ Արևմտյան Հայաստանում ամերիկյան գործակալների գործունեության ակտիվացման կապակցությամբ ԱՄՆ-ը արդեն չէին բավարարվում միայն հին հյուպատոսություններով, որոնք գոյություն ունեին Էրզրումում (1839 թվականից), Բիթլիսում (1856 թվականից) և Վանում (1871 թվականից)²¹։ Նրանք ընդարձակում են

¹⁴ Նույն տեղում, 272, 273։

¹⁵ Նույն տեղում, ֆ. 71, ց. 2, դ. 56, թ. 175։

¹⁶ Տե՛ս А. Попов, Вступление Америки в войну, «Историк-марксист», 1928 № 7, стр. 57.

¹⁷ ՎրացՍՍՌ, ԿՊՊԱ, ֆ. 71, ց. 2, դ. 56, թ. 247։

¹⁸ Տե՛ս Չեստերի կոնցեսիայի բարոնդր Մ. Պավլովիչի «Имперализм и борьба за великие железнодорожные и морские пути будущего» գրքում, Ленинград, 1925, стр. 115.

¹⁹ Տե՛ս ՎրացՍՍՌ, ԿՊՊԱ, ֆ. 521, ց. 2, դ. 492, թ. 85։

²⁰ Նույն տեղում, ֆ. 71, ց. 2, դ. 50, թթ. 73—76։

²¹ Տե՛ս Липп, Армения, т. 2, Тифлис, 1910, стр. 119, 197, 276.

իրենց հյուպատոսական ցանցը, նոր հյուպատոսություններ բացելով Սվապ և Խարբերգ քաղաքներում²²։

Ռուսական զինվորական իշխանությունը, որը պատերազմի ընթացքում հաստատվում էր Արևմտյան Հայաստանում, ամենիմն էլ այնպես բարյացակամ չէր վերաբերվում միսիոներների դործունեությանը, ինչպես նախկին՝ թուրքական իշխանությունը։ Դրա համար էլ ամերիկյան դործակալները ստիպված էին հարմարվել նոր իրադրություններին։

Ռուսական զորքերի առաջխաղացման պայմաններում ԱՄՆ-ի տնտեսական ու քաղաքական ներթափանցումը Արևմտյան Հայաստան նախապատրաստելու համար, Ամերիկայում ստեղծվեցին արևմտահայերի դործերով զբաղվող նոր կազմակերպություններ, որոնք արտաքինապես բարեգործական ընկերությունների տեսք ունեին։ Այդ կազմակերպություններից առավել ճշանավոր էր այսպես կոչված, «հայերի, սիրիացիների օգնության ամերիկյան կոմիտեն», որը հիմնադրվեց 1915 թվականի սեպտեմբերին Նյու-Յորքում՝ ամերիկյան միսիոներների ակտիվ մասնակցությամբ։ Այդ կոմիտեի դրամական միջոցները կազմվում էին այն գումարներից, որ ստացվում էին «հայկական կուտորածներին» շուրջը կատարվող սպեկուլյացիայից (ԱՄՆ-ի քաղաքներում տարածվում էին թռուցիկներ և բրոշյուրներ, կազմակերպվում էին միտինգներ, խոսվում էր թշվառությունների մասին, հանգանակում էին փախուցյալներին և Թուրքիայի քաղաքացիներից)։ Կոմիտեի ֆինանսավորման դործին մասնակցում էին նաև ամերիկյան մոնոպոլիստական կապիտալի այնպիսի պարագլուխներ, որպիսիք էին միլիոնատեր Ռոկֆելլերը և կապիտալիստ Կլիվլենդ Բաջրը։ Նյու-յորքյան կոմիտեի դործերին ուղղություն էին տալիս խոշոր վաճառականներ Սսկար Ստրաուզը, Ռարբի Ուայզը և ուրիշները։ Ուշագրավ է, որ 1917 թվականի օգոստոսից այդ կոմիտեի դանձապահն է դառնում ինքը՝ Կ. Բաջրը։

Ամերիկյան մոնոպոլիստական կապիտալի բաժինը նյու-յորքյան կոմիտեի ֆոնդերում ինքնին հատկանշական փաստ է։ Հանրահայտ է, որ ամերիկյան միլիարդատերերը, երբեք ոչինչ ձրի չեն տալիս «Բոլորը գիտեն,— ասում է Ն. Ս. Խուրշուր,— որ իմպերիալիստները երբեք և ոչ ոքի դուր տեղը, հենց այնպես, «զեղեցիկ աչքերի համար», փող չեն տալիս, նրանք իրենց կապիտալները ներդնում են միայն այն ձեռնարկումներում, որոնցից հույս ունեն, որ լավ շահույթներ կստանան»²³։

Արևմտահայ բնակչությանը անշահախնդիր օգնություն կարող էին ցույց տալ միայն ԱՄՆ-ի աշխատավոր մասսաները, և նրանք իրոք ցույց էին տալիս նման օգնություն։ Այսպես օրինակ, ամերիկահայ բանվորները 1915 թվականի ընթացքում հավաքեցին 100.000 դոլարից ավելի՝ արևմտահայերի օգտին։ Սակայն, դժբախտությունն այն էր, որ ամերիկյան, ինչպես և եվրոպական բանվորները, չոմսին իրենց առանձին կազմակերպությունները հայ բնակչությանը անշահախնդիր օգնություն ցուցաբերելու համար։ ԱՄՆ-ի աշխատավորներից հավաքած միջոցները հոսում էին նույն նյու-յորքյան կոմիտեի կամ նման կազմակերպությունների դրամարկղները և օգտագործվում վերջիններիս շահերին համապատասխան։

²² ՀՍՍՌ, ԿԳՊԱ, ֆ. 113, ց. 5, դ. 153, թ. 21

²³ «Սովետական հայաստան», 7 հունիսի, 1938, № 131, (11333)։

ԱՄՆ-ում արևմտահայերի գործերով զբաղվող կազմակերպություններին էր նաև «Հայերին բժշկական օգնություն ցույց տվող ամերիկյան ընկերությունը», որը հիմնադրվել էր 1915 թվականի սեպտեմբերի 29-ին Նյու-Յորքում: Այդ կազմակերպությունը, սակայն, ավելի շատ էր զբաղվում քաղաքական, քան բժշկության հարցերով: Այդ կազմակերպության ղեկավարների նամակում, ուղղված ԿԱԲՈ-յի²⁴ նախագահին, ասվում էր. «Թեպետև մեր կազմակերպությունը չի զբաղվում քաղաքական և ռազմական հարցերով, այնուամենայնիվ մենք ցանկանում ենք ունենալ ստույգ տեղեկություններ Կովկասում գործող բոլոր կոմիտեների ու կազմակերպությունների մասին, որոնք քաղաքական և ռազմական ծառայություններ են մատուցում հայ ժողովրդին»: Նամակով պահանջում էր՝ տալ ստույգ և մանրամասն տեղեկություններ այն անձանց, կոմիտեների և կազմակերպությունների գործունեության մասին, որոնք արևմտահայերի շրջանում զբաղվում են բարեգործություններով, չինեն դրանք հայկական կամ օտարազգի²⁵:

Այն բանը, որ հիշյալ ընկերությունը զբաղվում էր քաղաքական և տնտեսական հարցերով, վկայում է նրա ներկայացուցիչների գործունեությանը բրնույթը Կովկասում: Ընկերության գլխավոր ներկայացուցիչ Ուիլյամ Քրեստեր Պետրոգրադում եղել է ամերիկյան ղեկավարության խորհրդատու, իսկ 1916 թվականի հուլիսից նշանակվում է ԱՄՆ-ի փոխհյուպատոս Թիֆլիսում: Այդ ընկերության անդամ Հովսեփյանը ամերիկյան ներկայացուցիչն էր «Հայաստանի վերելիսանության հանձնաժողովում» և այլն:

ԱՄՆ-ի կառավարությունը և արևմտահայերի գործերով զբաղվող ամերիկյան կազմակերպությունները իրենց ներկայացուցչությունը ունեին նաև Թիֆլիսում, որը հայտնի էր «Ամերիկյան կոմիտե» անվամբ: Կոմիտեն գործում էր Թիֆլիսում Ամերիկայի Միացյալ Նահանգների հյուպատոս Վիլյամ Սմիթի անմիջական ղեկավարությամբ: «Ամերիկյան կոմիտե» նախագահն էր քահանա Մակկալմեր²⁶, նախագահը և կոմիտեի մյուս 8 անդամները «Բորդ» կազմակերպության անդամներ էին: Կոմիտեի անդամներ՝ Մակկալմեր, Գրեյսը, Հիլլը, Վիլսոնը, Յաբոն, Մայնարդը, Իսայնոլդսը և ուրիշները միսիոներական գործունեության երկարամյա փորձ ունեին: Հանդիսանալով ամերիկյան իմպերիալիզմի հավատարիմ սպասարկուհիներ, նրանք միևնույն ժամանակ լավատեղյակ էին արևմտահայ կյանքին, իսկ նրանցից շատերը տիրապետում էին հայերենին: Թիֆլիսի Ամերիկյան կոմիտեն արտահայտում էր ամերիկյան միսիոներական և բարեգործական կազմակերպությունների, ամերիկյան մոնոպոլիաների ու ԱՄՆ-ի կառավարության շահերը: Ամերիկյան կոմիտեն զբոսավորող հյուպատոս Սմիթը ԱՄՆ-ի կառավարության պաշտոնական ներկայացուցիչն էր, որի հրամաններով ու կարգադրություններով պետք է գործեին ամերիկյան բոլոր ներկայացուցիչները Կովկասում և Արևմտյան Հայաստանում:

Ամերիկյան կոմիտեի անդամները Կովկաս և կան 1915 թվականի վերջին ու 1916 թվականի սկզբին և սկսեցին իրենց ուղևորությունները արևմտահայ գաղթականների տեղավորման շրջաններում: Այդ բոլոր ուղևորությունները ամերիկյան էմիսարիները կեղծավորաբար քողարկում էին բարեգործական

²⁴ ԿԱԲՈ—КАБО (Кавказское Армянское Благотворительное общество).

²⁵ ՆՍՍՌ, ԿԳՊԱ, ֆ. 28, ց. 1-ին, գ. 545, թ. 43 (անգլերեն լեզվով):

²⁶ Տե՛ս ՎրացՍՍՌ, ԿԳՊԱ ֆ. 520, ց. 1-ին, գ. 162, թ. 171:

ցուցաբերելով և աչքակապության համար երբեմն իրոք այս ու այնտեղ բաշխում էին շնչին քանակությամբ պարեն և հանդերձանք:

Սակայն ամերիկյան ներկայացուցիչների այդ բարեգործությունը ինքնապատակ չէր. դեռ ավելին, շատ տեղերում նրանք հայ գաղթականներին պարզապես օգնություն չէին ցույց տալիս: Այսպես օրինակ, Դիմանից, հեռագրում էին ԿԱՐՈ-ի նախագահին, որ ամերիկյան միսիան հրաժարվում է հայերին օգնություն ցույց տալուց²⁷: Նման բողոքներ ստացվում էին և շատ այլ վայրերից:

Ամերիկյան կոմիտեի գլխավոր խնդիրն էր՝ հող նախապատրաստել ամերիկյան կապիտալի Արևմտյան Հայաստան ներթափանցման համար: Այդ նպատակով ամերիկյան կոմիտեի ներկայացուցիչները արևմտահայ գաղթականների կուտակման շրջաններում հիմնում էին ամերիկյան գործարաններ ու արհեստանոցներ, որտեղ շահագործում էին գաղթականների էժան աշխատուժը: Արևմտահայ գյուղացիներին իրենցից տնտեսապես կախման մեջ դնելու համար, վարկով գյուղատնտեսական գործիքներ էին բաց թողնում, ֆինանսավորում այսպես կոչված «Վանի միլիցիան», պաշտպանում Պետրոգրադում հայ-ամերիկյան բանկի հիմնադրման գաղափարը, ձգտում ուժեղացնել ամերիկյան ազդեցությունը հայ բուրժուա-նացի խնայողական, գաղթականական, բարեգործական և այլ կազմակերպությունների վրա:

Նրանում ամերիկացիներն ունեին մանածագործական, բամբակագործական, շաշեր արտադրող ֆաբրիկաներ, ծածկոցների, հագուստեղենի, ատաղձագործական և կոշիկեղենի արհեստանոցներ: Մանածագործական ֆաբրիկայի մասին, որը բացվել էր 1916 թվականի աշնանը, Ռայնոլդսը 1917 թվականի փետրվարի 6-ին գրում էր. «Իրաւ է, մենք ունինք պզտիկ գործատեղի մը, ուրկէ աւելի քան հազար կիներու բուրդ կուտանք մանեղու եւ գուպաներ հիւսելու, բայց անդին կան դեռ հազարաւորներ որ կը խնդրեն ունենալ միեւնոյն պատեհութիւնը, բայց մեր դրամադուլսը թոյլ չի տար մէզ առ այժմ աւելի ընդարձակելու մեր գործը»²⁸: Բամբակագործական ֆաբրիկայում աշխատում էին 300 կին, իսկ 50 տղամարդ որպէս վերականգնում: Այդ ֆաբրիկան կառավարում էին Յարոն և Ռայնոլդսը:

Մայնարդի կողմից 1916 թ. հիմնադրվեց Մանածագործական մի ֆաբրիկա Ալեքսանդրապոլում, որը 1917 թ. փետրվարին արդեն ուներ 700 բանվոր և բանվորուհի. իսկ մայիսին բանվորների թիվը հասավ մինչև 1140 մարդու²⁹:

1917 թ. ամերիկացիները արհեստանոցներ հիմնեցին Օշականում³⁰, էջմիածնում³¹, Ղամարլուում³², որտեղ աշխատում էին գաղթականներ:

1917 թ. ամռանը էրզրումում նախկին ամերիկյան հյուպատոս Ռոբերտ Ստայսլտոնը բաց արեց ֆաբրիկա, որտեղ աշխատում էին 100 մարդ: Ֆաբրիկան էժանագին գործվածքեղենից և կաշուց³³ արտադրում էր հագուստեղեն:

²⁷ Տե՛ս ՀՍՍՌ, ԿԳՊԱ, ֆ. 239, դ. 22, թ. 14:

²⁸ «Կոշնակ», 10 մարտի, 1917, № 10, էջ 319:

²⁹ Նույն տեղում, 12 մայիսի, 1917, № 19, էջ 604:

³⁰ «Վան-Տոսոյ», 1917, № 16, էջ 11:

³¹ «Կոշնակ», 18 օգոստոսի, 1917, № 33, էջ 1006:

³² Նույն տեղում, 15 դեկտեմբերի, 1917, № 50, էջ 1492:

³³ Ե. Սիրաբ, «Տեղեկություններ կարնից», «Վան-Տոսոյ», 1917, № 38, էջ 14:

և կոշկեղեն: Ամերիկացի Հենրի Ռիկդր հարբերդում հիմնեց բամբակագործական ֆաբրիկա, որտեղ աշխատում էին մոտ 200 գաղթական կին³⁴: Ամերիկացիները ունեին նաև իրենց բաժինը արևմտահայ արհեստանոցներ հիմնադրելու համար ստեղծվող կապիտալում: «Վանի կանանց միության» արհեստանոցի կապիտալում, օրինակ, Մակկալմր, անգլուհի Ռոբինզոնի հետ միասին, ուներ իր որոշակի փայլը: Ամերիկացիները, բացի ղրանից, վարկավորում էին արևմտահայ առևտրականներին ու արհեստավորներին: Գրեյսից վարկ ստացած արհեստավորների թիվը հասնում էր մոտ 125 հոգու³⁵:

Արդեն գոյություն ունեցող ամերիկյան ֆաբրիկաները ու արհեստանոցները ընդարձակելու և նորերը հիմնադրելու նպատակով 1917 թ. օգոստոսին կոլկաս եկան ամերիկյան երկու նոր ներկայացուցիչներ՝ Իլլիսը և Պերին:

Թիֆլիսի Ամերիկյան կոմիտեի ներկայացուցիչները իրենց հերթին անընդհատ ահազանգում էին Նյու-Յորք, որ իրենց լրացուցիչ մարդ և դրամ ուղարկեն: 1917 թվականի նոյեմբերի 19-ին Յարոն, Ռայնոլդսը, Գրեյսը, Մայնարդը, Սմիթը հեռագրում են Ամերիկա. «Արդեն եկողներէն զատ անմիջապէս ղրկեցէք նաեւ էրեք հայախոսները, որ կարենան կացութեան հետ զուլս ելնել»³⁶: 1917 թվականի նոյեմբերի 30-ին Սմիթը հեռագրում է Ամերիկա. «Կը թելադրում նաեւ որ ընդարձակուին մեր հանդերձեղէն արտադրող գործարանները, այնպէս որ փոխանակ վեց հարիւր ձեռքի կարելի ըլլայ շինել երկու հազար ձեռք եւ ասով հայթայթուի աշխատանք ուրիշ հազար մարդոց ալ: Մեր պիտոյքներէ աւելացած հանդերձները կարելի է ծախել իր արտադրութեան արժէքովը բանակին, որ այս գաւառին արտադրութիւնը գնել պարտաւորած է: Առաջիկա ծանուան համար, Նիւ Եորքի Յանձնախումբին արդէն խոստացածէն զատ, պետք ունինք ամսական երկու հարիւր հազար տուարի, և 100.000 ալ հարկ է գործարանները ընդարձակելու գործին համար: Ես անձնապէս կը յանձնարարեմ որ ղրկեք հոս Նեսպիթ Չեմպլըս եւ հանդերձեղէն ձեռարուեստող շորս փորձ վարպետներ»³⁷: Սմիթի և նրա գործակիցների այս պահանջները ըստ պատշաճի հաշվի էր առնվում Նյու-Յորքում: 1917 թվականի վերջին հանդես են գալիս ամերիկյան նոր ներկայացուցիչներ՝ Պարտրիջը և Կոմպտներ Ալեքսանդրապոլում, էլմերը՝ Էջմիածնում, Ուայտը՝ Երևանում, Զեյմսը՝ Նոր Բայազետում և Ախտայում, Ուիլյամսը՝ Վանում: Իսկ երբ ամերիկացիներին հարկավոր էր հումք հայթայթել ամերիկական ֆաբրիկաների և արհեստանոցների համար, ապա նրանք գրեթե միշտ կոլկասյան իշխանություններից ձեռք էին բերում արտահերթ հայտեր երկաթուղային վազոնների համար³⁸:

Ամերիկյան կոմիտեն հող էր նախապատրաստում նաև Արևմտյան Հայաստանի գյուղատնտեսության մեջ ամերիկյան կապիտալի ներթափանցման համար: 1916 թվականի մարտի 9-ին Վիլսոնը հայտարարեց, որ Ամերիկյան կոմիտեն մշակել է իր հետագա գործունեության ծրագիրը Արևմտյան Հայաստանում և հատկապես Վասպուրականում³⁹: Այդ ծրագրին համապատաս-

³⁴ Մ. Ղաբրիյ, «Տեղեկություններ խարբերդեն», «Վան-Տոսոյ», 1917, № 21:

³⁵ «Վան-Տոսոյ», 1917, № 13, էջ 14:

³⁶ «Կոչնակ», 15 դեկտեմբերի, 1917, № 50, էջ 149:

³⁷ Նույն տեղում:

³⁸ Տե՛ս ՎրացՍՊԻ, ԿՊՊԱ, ֆ. 520, դ. 1-ին, դ. 162, ք. 36 և այլն:

³⁹ Տե՛ս «Армянский вестник», 10 апреля, 1916, № 11, стр. 19.

խան՝ ամերիկացիները ձեռք էին բերել 175.000 ղուլլարի բանոդ և այլ անասուն՝ վարկով արևմտահայ գյուղացիներին բաժանելու համար։ Վարկային և այլ օպերացիաներ անցկացնելու համար Վիլսոնը և Գրեյսը դեռևս 1915 թվականի վերջին մեկնեցին Վան։ 1916 թվականի հուլիսին այստեղ եկան նաև Ռայնոլդսը և Յարոն։ 1916 թվականի ապրիլին Վան մեկնեց նաև Մայնարդը։ Այստեղից նրանք ուղևորություններ էին կատարում վասպուրականի շրջաններ։

Ամերիկացիները արևմտահայ գյուղացիներին վարկով տալիս էին գյուղատնտեսական գործիքներ⁴⁰։ Այն շրջաններում, որտեղ ամերիկացիներին զանազան հանգամանքների հետևանքով չէր հաջողվում անմիջական կերպով իրենց վարկերը արևմտահայ գյուղացիների վզին փաթաթել, այնտեղ նրանք գործում էին հայ բուրժուական կազմակերպությունների միջոցով։ Օրինակ, ամերիկացիները արևմտահայ գյուղացիներին որոշակի գումարի վարկ էին բաց թողնում 4 տարի ժամկետով «Հայաստանի վերաշինության Հանձնաժողովի» միջոցով։ 1916 թվականի գարնանը ամերիկյան կոմիտեն վարկով Հայոց-Ձորի գյուղացիներին բաց թողեց 500 եզ և սերմացու 10.000 ու դումարով, իսկ ամբողջ Վանի մարզում վարկով տրված էր 1000 եզ։ 1916 թվականի հունիսին Հայոց-Ձորի գյուղացիները Ամերիկյան կոմիտեի պարտք էին 1000 եզ, 50 ցուլ, 100 կով, 15.000 ու արժողությամբ սերմացու, մի քանի հարյուր մանգաղ և խոփ։ Վանում իրենց գտնվելու ընթացքում ամերիկյան ներկայացուցիչները Հայոց-Ձորի, Գավաշի, Փեսանդաշտի, Նորագուզի, Խոշապի և այլ վայրերի գյուղացիներին վարկով տվել են 3000 ղուլլա գյուղատնտեսական անասուններ՝ 35.000 ուլբլի արժողությամբ, 1000 բահ, 2000 մանգաղ, 1500 արոր և խոփ, սերմեր՝ 50.000 ուլբլու արժողությամբ։ Այդ ապրանքների վարկային գինը զգալիորեն գերազանցում էր այն գինը, որով ամերիկացիները դրանք գնում էին Պարսկաստանում։ Ամերիկացիների ձեռքն եկան Մվատան և Արտամեստ գյուղերի այգիները։

Ամերիկացիները հետաքրքրվում էին նաև ռազմական հարցերով։ Շատ ամերիկյան քաղաքներում ամերիկացիները զինվորական գործ էին սովորեցնում հայ պատանիներին, և պետք է ենթադրել, որ հենց այդ պատանիներից կազմվեց հայ կամավորների խումբը ԱՄՆ-ից, որը մասնակցում էր պատերազմին՝ դաշնակցական կամավորական խմբերի կազմում։ Ամերիկացիները կամենում էին օգտագործել նրանց դաշնակցական խմբերում ամերիկյան ազդեցությունը ուժեղացնելու համար։ Սակայն, երբ ցարական կառավարությունը ցրեց կամավորական խմբերը, այդ հայ երիտասարդները արդեն պետք չէին ամերիկյան կոմիտեին և կոմիտեն երեսը ղեքեց նրանցից։

Ամերիկահայերը մտնում էին նաև այսպես կոչված «Վանի միլիցիայի» կազմում, որը ստեղծվել էր Վանի նահանգապետ զնդապետ Տերմենի նախաձեռնությամբ՝ գյուղատնտեսական աշխատանքների ժամանակ գաղթականների անվտանգությունը ապահովելու համար։ Քանի որ այդ միլիցիան չէր պահպանվում պետական գանձարանի հաշվին, ապա Ամերիկյան կոմիտեն Վիլսոնի միջոցով հայտարարեց, որ պատրաստ է ֆինանսական օգնություն ցույց տալու նրան։ Վասպուրականի գյուղական միլիցիային աջակցություն

⁴⁰ Տե՛ս «Վան-Տոսպ», 1916, № 28, էջ 13։

ցույց տալով, ամերիկացիները ցանկանում էին այն դարձնել իրենց շահերի հավատարիս՝ պաշտպան:

Արևմտահայերի գործերով զբաղվող դաշնակցական և այլ բուրժուա-նացիոնալիստական կազմակերպություններն իրենց կողմը գրավելու համար, Ամերիկյան կոմիտեն ժամանակ առ ժամանակ նրանց բաց էր թողնում որոշ քանակությամբ դրամ և պարեն: Ամերիկյան կոմիտեի հետ գործակցում էին կղերական և բուրժուա-նացիոնալիստական տեղական կազմակերպությունները: Իսկ արևմտահայ որոշ բուրժուական գործիչներ առաջարկում էին խնդրել ԱՄՆ-ից 100 մլն. դոլլարի փոխառություն:

Ամերիկյան կոմիտեի ներկայացուցիչները վարում էին նաև դիվանագիտական գործունեություն: Սմիթը և Քրեստոն որպես հյուպատոս և փոխ-հյուպատոս, վարում էին այն ի պաշտոնե, կոմիտեի այլ անդամները՝ համաձայն նրանց ցուցումների:

Ամերիկյան ներկայացուցիչներ Գրեյսը, Ռայնոլդսը, Յարոն ակտիվ մասնակցություն ունեցան «Թուրքահայերի համագումարին», որը բացվել էր 1917 թ. մայիսի 2-ին Երևանում, ընդ սմին Յարոն մտավ համագումարի ըստեղծած, այսպես կոչված, «Արաբալիստիկյան հանձնաժողովի» մեջ: Համագումարի ստեղծած խորհրդի գլխավոր նպատակը դարձավ, ըստ «Հայաստան» թերթերի հայտարարության՝ «...ամերիկացիներու պէս և ամերիկացիներու հետ աշխատանք կազմակերպել զաղթականների համար»:

Ամերիկյան կոմիտեի նկատմամբ ստրկական դիրք պրավեց 1917 թ. օգոստոսին ստեղծված հայ աղթականական կազմակերպությունների գլխավոր խորհուրդը: Հյուպատոս Սմիթի հետ 1917 թվականի նոյեմբերի 14-ին, իսկ նոյեմբերի 16-ին Կրեստոնի հետ ունեցած զրույցների ժամանակ, և այնուհետև Սմիթին հասցեագրված գրավոր՝ հայտարարության մեջ գլխավոր խորհրդի ներկայացուցիչները ամերիկացիներից 4 մլն ռուբլու փոխառություն էին խնդրում:

Նվազ նշանակություն չէին տալիս ամերիկացիները Պետրոգրադում հայ-ամերիկյան բանկի հիմնադրմանը, որի կանոնադրությունը մշակվել էր 1917 թ. փետրվարին⁴¹, Բանկի հիմնական կապիտալը պետք է կազմեր 150 մլն ռուբլի, որից 100 մլն կապիտալ ներդրումներ պետք է անեին ամերիկյան, իսկ 50 միլիոնի՝ ռուսահայ բանկիրները⁴², Բանկը պետք է հող նախապատրաստեր Արևմտյան Հայաստանում ամերիկյան կապիտալի ֆինանսատնտեսական արմատավորման համար: Այն պետք է վերահսկեր հայ բուրժուազիայի ձեռքում գտնվող զանազան բնույթի ձեռնարկությունների գործունեությունը: Սակայն այդ բանկի ստեղծման նախագիծը այնպես էլ մնաց թղթի վրա, նրա իրականացմանը խանգարեց Հոկտեմբերյան Մեծ ռեոլյուցիան:

Ամերիկյան ներկայացուցիչները մեծ ուշադրություն էին և՛վիրում մանկատներ ստեղծելու գործին: Այդ մանկատներում աշխատում էին հայ որբ երեխաներին ամբողջովին կտրել երկրում փոթորկվող ռեոլյուցիոն մրրկից, և, դաստիարակելով նրանց ամերիկյան միլիարդատերերին երկրպագելու ոգով, դարձնել օտարերկրյա կապիտալի սպասարկուներ:

⁴¹ Տե՛ս «Армянский вестник», 1917, № 7, стр. 21.

⁴² Տե՛ս «Վան-Տոսպ», 1917, № 10, էջ 16:

Այդ նպատակով Ամերիկյան կոմիտեն իր միջոցներից որոշ գումար առանձնացնում էր որբերին պահելու համար:

1917 թվականի մարտի 15-ին Ռայնոլդսը, Յարոն, Մայնարդը Քրեսոնի միջոցով հաղորդում էին Նյու-Յորքի կոմիտեին, որ նրանց առաջիկա տարում անհրաժեշտ է մեկ միլիոն դոլլար, որի իրացումը նրանք հետևյալ կերպ էին պլանավորում. բրդի և բամբակի գնման համար 250 հազ. դոլլար, բանվորների վարձատրման համար 200 հազ. դոլլար, որբերին պահելու համար 250 հազար դոլլար, որբանոցային արհեստանոցների համար 50 հազար դոլլար, արհեստավորներին վարկավորելու համար 150 հազ. դոլլար, հիվանդներին, կուլյերներին, հաշմանդամներին, ~~անպարտապաններին~~ 75 հազ. դոլլար: Մնացած 25 հազ. դոլլարը Ամերիկյան կոմիտեի անդամները, հավանաբար իրենց պետքերի համար էին թողնում⁴³:

Այս տվյալներից պարզ երևում է, թե ինչ ուղղությամբ էին ծախսվում Ամերիկյան կոմիտեի դրամական միջոցները: Բացի հաշմանդամներին օգնություն ցույց տալու համար նախատեսված 75 հազար դոլլար համեմատաբար փոքր գումարից, միջոցների մնացած մասը տրամադրվում էր մեկ հիմնական նպատակի՝ հող նախապատրաստել Արևմտյան Հայաստան ամերիկյան կապիտալի հետագա ներթափանցման համար:

Այդ կապակցությամբ տեղին է հիշել ԱՄՆ-ի կառավարության հատուկ լիազոր առևտրական գործակալ Վիլյամ Չեպին 'Դոնտինգտոնի 1916 թվականի օգոստոսին Թիֆլիսում արված հայտարարությունը՝ այն մասին, որ Նահանգները ցանկանում են Ռուսաստանի հետ անմիջական հարաբերությունների մեջ մտնել և պատրաստ են արտահանել ինչպիսի ապրանք ուզեն, նույնիսկ կապիտալ: Նահանգների դրույթները այնպիսին է, ասում էր Գոմտինգտոնը, «որ նրանք հարկադրված են հոգ տանել այն մասին, թե ուր արտահանել այդ ապրանք-կապիտալը»⁴⁴:

Եվ ամերիկյան ներդրակացուցիչների ամբողջ զործունեությունը արևմտահայերի շրջանում 1915—1917 թվականներին ուղղված էր այն բանին, որ ճանապարհ հարթեն ամերիկյան այդ «ապրանք-կապիտալի» համար:

Վերը նշված փաստերից երևում է, որ Արևմտյան Հայաստանի տնտեսական ստրկացման իրենց պլանները ամերիկացիները ձգտում էին իրականացնել տարբեր ճանապարհներով:

Ամերիկյան ֆաբրիկաների և արհեստանոցների հիմնադրում, որոնցում շահագործվում էր տեղական բնակչության էժան բանվորական ուժը, Արևմտահայաստանի շուկայի օգտագործումը ամերիկյան ապրանքների համար, երկաթուղիների կառուցման և երկրամասի հանքային հարստությունների շահագործման նախագծումները, արևմտահայ պոլիտիկոսությանը գյուղատնտեսական գործիքներ տրամադրելը՝ վարկերի ձևով, հայ բուրժուա-նացիոնալիստական կազմակերպությունների վրա իրենց ազդեցությունը ուժեղացնելու նպատակին ուղղված գործունեություն — ահա հիմնականը այդ ուղիներից:

Սակայն տեղի ունեցող պատմական դեպքերի և առաջին հերթին Հոկտեմբերյան ռևոլյուցիայի հետևանքով կրախի մատնվեցին Արևմտյան Հայաստանի տնտեսական ստրկացման ամերիկյան պլանները:

⁴³ Տե՛ս «Կոչնակ», 14 ապրիլի, 1917, № 15, էջ 469:

⁴⁴ «Кавказское слово», 28 августа 1916, № 191, стр. 2.